

JU TREĆA GIMNAZIJA SARAJEVO

Vilsonovo šetalište 16

71000 SARAJEVO

Na osnovu člana 112. stav 4. Zakona o srednjem obrazovanju ("Službene novine Kantona Sarajevo" br. 23/10 i 1/16), člana 177. Pravila Škole, Saglasnosti Ministarstva za obrazovanje, nauku i mlade Kantona Sarajevo broj: 11-34-24650-3/16 od 01.08.2016. godine, Školski odbor, na osnovu Odluke broj:01-1-505/16 od 15.08.2016. godine, raspisuje:

JAVNI KONKURS

za popunu upražnjenih radnih mjesta u školskoj 2016/2017. godini

1. Nastavnik/nastavnica bosanskog, hrvatskog, srpskog jezika i književnosti - 1 izvršilac,
14 časova nastavne norme sedmično, na određeno vrijeme od 01.09.2016. godine, a najkasnije do 31.08.2017. godine
2. Nastavnik/nastavnica latinskog jezika - 1 izvršilac,
8 časova nastavne norme sedmično, na određeno vrijeme od 01.09.2016. godine do 31.08.2017. godine
3. Nastavnik/nastavnica matematike - 1 izvršilac,
9 časova nastavne norme sedmično, na određeno vrijeme od 01.09.2016. godine do 31.08.2017. godine
4. Nastavnik/nastavnica fizike - 1 izvršilac,
12 časova nastavne norme sedmično, na određeno vrijeme od 01.09.2016. godine do 31.08.2017. godine
5. Nastavnik/nastavnica biologije - 1 izvršilac,
6 časova nastavne norme sedmično, na određeno vrijeme od 01.09.2016. godine do 31.08.2017. godine
6. Školski pedagog - 1 izvršilac,
puno radno vrijeme, na neodređeno vrijeme od 01.09.2016. godine
7. Nastavnik/nastavnica kultura religija - 1 izvršilac,
11 časova nastavne norme sedmično, na neodređeno vrijeme od 01.09.2016. godine

Pored opštih uslova za zasnivanje radnog odnosa, kandidati treba da ispunjavaju i posebne uslove utvrđene Zakonom o srednjem obrazovanju, Nastavnim planom i programom za Gimnaziju, Pedagoškim standardima i normativima za Gimnaziju i to:

završen odgovarajući fakultet ili završen drugi ciklus Bolonjskog studija odgovarajućeg smjera i zvanja i položen stručni ispit za samostalan odgojno-obrazovni rad.

Uz prijavu na javni konkurs kandidati trebaju blagovremeno dostaviti:

1. Obaveznu dokumentaciju:

- Odgovarajuća diploma
- Izvod iz matične knjige rođenih (Rodni list)
- Uvjerenje o državljanstvu (ne starije od 6 mjeseci).
- prijava na konkurs sa kraćom biografijom sa adresom stanovanja, brojem telefona i po mogućnosti e-mail adresom

2. Dodatna dokumentacija:

- uvjerenje o položenom stručnom ispitu za samostalan obrazovno-odgojni rad

- uvjerenje/potvrda o radnom stažu u ustanovama obrazovanja na poslovima koji odgovaraju stručnoj spremi i profilu koji se traži konkursom,
- uvjerenje/potvrda o radnom stažu ostvarenom izvan ustanova obrazovanja nakon sticanja stručne spreme i profila na poslovima koji se traži konkursom,
- uvjerenje/potvrda o radnom stažu ostvarenom izvan ustanova obrazovanja nakon sticanja stručne spreme i profila koji se traži konkursom,
- uvjerenje/potvrda o radnom stažu u ustanovi u kojoj se boduje;
- uvjerenje/potvrda o dužini čekanja na posao na evidenciji Službe za zapošljavanje Kantona Sarajevo nakon sticanja stručne spreme i profila koji se traže konkursom,
- rješenje o sticanju posebnog stručnog zvanja,
- rješenje o ocjeni o radu koja je utvrđena u tekućoj ili prethodnoj školskoj godini,
- uvjerenje/potvrdu o prosjeku ocjena tokom školovanja/studiranja relevantnog za obavljanje posla koji se traže konkursom,
- dokazi o statusu kandidata po osnovu prava boraca i članova njihovih porodica u skladu sa pozitivnim propisima o pravima boraca i članova njihovih porodica,
- pozitivna preporuka prethodnog poslodavca.

Prijava kandidata koji nije dostavio dodatnu dokumentaciju će se smatrati urednom, a prijavljeni kandidati će se bodovati samo po osnovu onih kriterija za koje su dostavili urednu dokumentaciju.

Kriteriji, procedure, uslovi, način bodovanja i izbor kandidata po ovom javnom konkursu regulisani su **P r a v i l n i k o m** sa kriterijima za prijem zaposlenika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene Novine Kantona Sarajevo“, br. 03/13) i **P r a v i l n i k o m** o izmjenama i dopunama **Pravilnika** sa kriterijima za prijem zaposlenika u radni odnos u predškolskim ustanovama osnovnim i srednjim školama kao javnim ustanovama na području Kantona Sarajevo broj: 11-02-25383/16 od 12.08.2016.godine.

Nakon konačnosti i pravosnažnosti odluke o izboru, izabrani kandidat je dužan dostaviti **ljekarsko uvjerenje o radnoj sposobnost od zdravstvene ustanove kao javne ustanove, koje nije starije od šest mjeseci, te obaveznu i dodatnu dokumentaciju u originalu ili ovjerenoj kopiji od strane nadležne općinske službe.**

U slučaju da se utvrdi da je izabrani kandidat predao dokumenta tokom postupka prijave na konkurs za koje se utvrdi da su lažni, direktor škole je obavezan zaključiti ugovor sa drugim kandidatom sa konačne bodovne rang liste, u skladu sa članom 17.stav (4) i (5) navedenog Pravilnika.

Konkurs ostaje otvoren 8 (osam) dana od dana objavljivanja (od 17.08.2016.godine do 24.08.2016.godine).

Prijave sa potrebnom dokumentacijom dostaviti isključivo putem pošte na adresu: JU Treća gimnazija Sarajevo, Vilsonovo šetalište 16, 71000 Sarajevo, sa naznakom – Komisiji za utvrđivanje prijedloga za izbor zaposlenika.

Nepotpune i neblagovremene prijave neće se uzeti u razmatranje.

Napomena: Dokumentacija prijavljenih kandidata koji nisu izabrani po ovom konkursu vraća se na lični zahtjev.